

SKUPŠTINA KANTONA SARAJEVO

Klub samostalnih zastupnika

Goran Akšamija

Sarajevo, 31.01.2017.gdine

**Zastupnička pitanja za 25. Redovnu sjednicu SKS**

**Vlada Kantona Sarajevo i Ministarstvo zdravstva**

**Pitanje br. 1**

Na 23. Redovnoj sjednici Skupštini Kantona Sarajevo postavio sam pitanje koje se odnosilo na donošenje Pravilnika o načinu korištenja i upotrebi mobitela u službene svrhe u Zavodu zdravstvenog osiguranja KS od strane Upravnog odbora ove Ustanove, kao i definisanje konkretnih poteza koji su Premijer KS i Ministrica zdravstva KS poduzeli i reagovali po saznanju o donošenju ovog besramnog Pravilnika.

Odgovor koji mi je proslijeđen kao Informacija koju je sačinio Zavod zdravstvenog osiguranja u najblažoj formi smatram ismijavanjem i ponižavanjem mene kao zastupnika, čija je osnovna dužnost da prevashodno štitim interese građana i nadzirem način na koji se troše značajna sredstava zdravstvenog osiguranja agregirana iz doprinosa građana.

Informacija koja mi je proslijeđena ne sadrži konkretan odgovor na moja postavljena pitanja nego predstavlja klasično spinovanje i skretanje teme na druga pitanja i druge odgovornosti.

Radi građana glavnih finansijera, digniteta Skupštine i mene kao Zastupnika ponovo postavljam slijedeća pitanja. Molim da mi se na pitanja konkretno odgovori .

- Da li je Upravni odbor Zavoda zdravstvenog osiguranja KS donio Pravilnik o načinu korištenja i upotrebi mobitela u službene svrhe u Zavodu zdravstvenog osiguranja KS o čemu je pisao Dnevni list "Oslobođenje" od 23.11.2016. godine.

Da li je u pomenutom pravilniku u članu 5. stajalo slijedeće:

"Korisnicima mobilnih telefona u vlasništvu Zavoda ili radnika priznaju se troškovi korištenja tih uređaja do utvrđenog ograničenja za kalendarski mjesec , koji iznos ne obuhvaća porez na dodanu vrijednost, kako slijedi: Direktor 2000,00KM..."

**Napominjem da daljni slijed događaja nije predmet moga pitanja, pa ni eventualno donošenje novog Pravilnika. Kao Zastupnik želim da utvrdim istinu i isključivo me zanima da li se ovaj sramni događaj dogodio i ukoliko jeste zahtijevam da mi se dostave konkretni dokumenti koji potvrđuju ili odbacuju ove navode kao neistinite. Svaki izostanak konkretnih dokaza na osnovu vođenih zapisnika sa sjednice Upravnog odbora smatrati ću manipulacijom i odbijanjem da kao zastupnik dobijem istinitu infomaciju.**

- Koje aktivnosti i mjere su poduzete od strane Vlade KS i Ministarstva zdravstva KS da se ovako beščasna namjera neprimjerenog trošenja sredstva Zavoda zdravstvenog osiguranja KS od strane Upravnog odbora i Direktora ukoliko se dogodila sankcionira.

Molim da se mi se navedu konkretne radnje ukoliko ih je bilo ili konkretno demantovanje sa jasnim dokazima da su navodi u Dnevnom listu "Oslobođenje " od 23.11.2016.godine da je Upravni odbor Zavoda zdravstvenog osiguranja KS donio Pravilnik o načinu korištenja i upotrebi mobitela u službene svrhe u ZZO KS u čijem je članu 5. stajalo prethodno navedeno, potvrđeni kao istiniti ili opovrgnuti.. Molim dostavu kopije spornog pravilnika, te kopiju zapisnika Sjednice Upravnog odbora ZZOKS sa

prikazanim datumom kada je donesene Odluka o smanjenju mjesečnih troškova na 175 KM.

## **Vlada KS i Ministarstvo komunalne privrede i infrastrukture**

### **Pitanje br. 2**

Koje konkretne mjere poduzima Vlada KS i nadležno ministarstvo u utvrđivanju stvarnih činjenica i razloga stalnih redukcija vode od strane J.P. Vodovod i kanalizacija?

#### **Obrazloženje**

Svjedoci smo stalnih redukcija vode samo pojedinih dijelova grada, dnevnih obaranja dovodnog pritiska, kao i produženja vremenskog perioda redukcija (dolazak vode oko 06,00 h u jutarnjim satima). Obzirom na do sada mnoge upućene komentare i mišljenja o neopravdanosti redukcija koje su vjerovatno i uzrok mnogobrojnih kvarova koji su nastupili u vrijeme niskih temperatura, molim da se od strane Vlade KS odredi neovisno kvalifikovano (stručno) lice za izradu elaborata koji će utvrditi stvarne činjenice i prezentirati ovoj Skupštini i građanima KS, kao i opravdanosti postojećih redukcija vode.

Zastupnik



Goran Akšamija